

ZAPISNIK

sa druge redovne godišnje Skupštine Društva bibliotekara pravnih i srodnih biblioteka Jugoistočne Europe (u daljnjem tekstu Društvo), održane dana 19.06.2010. godine, u Neumu, hotel „Neum“

Skupština započela u 11,00 časova.

Godišnjoj skupštini prisustvovali su:

1. Ljiljanka Šunje
2. Edita Bačić
3. Svetlana Mirčov
4. Radmila Dabanović
5. Goran Petrović
6. Vesna Stojanović
7. Blanka Salatić
8. Dragutin Nemeč
9. Sanja Golijanin
10. Blaženka Peradenić -Kotur
11. Arijana Džanović
12. Beba Rašidović
13. Saša Madacki
14. Milenko Mlađenović
15. Ivana Teronić
16. Maja Kaljanac
17. Nina Karać

Godišnjom skupštinom predsjedavala je Edita Bačić. Usvojen je slijedeći

DNEVNI RED

1. Buduća saradnja Društva bibliotekara pravnih i srodnih biblioteka i Fondacije „Kemal Bakaršić“ Sarajevo
2. Učešće na Međunarodnom susretu bibliotekara slavista u Sarajevu
3. Štampanje vodiča

4. Logo Društva

5. Mrežne stranice – web stranica

6. Digitalni repozitorij mreže pravnih i srodnih knjižnica

7. Pristupnice – obnova i distribucija

Ad 1) Gospodin Dragan Marković, predsjednik Upravnog odbora Fondacije „Kemal Bakaršić“, upoznao je prisutne sa činjenicom da je Fondacija nastala u želji da se na kvalitetan način očuva uspomena na profesora Bakaršića na katedri za književnost Filozofskog fakulteta, ali da istovremeno bude i podrška profesionalnom bibliotekarstvu koje je u teškoj situaciji.

Fondacija „Kemal Bakaršić“ je osnovana sa ciljem unaprjeđivanja bibliotečkih znanosti i tehnologija u BiH putem obezbjeđivanja mogućnosti studentima bibliotekarstva i bibliotekarima stručnog obrazovanja i usavršavanja u BiH i inozemstvu; pružanja podrške i pomoći pojedincima i institucijama koje se u okviru svoje djelatnosti podudaraju sa ciljevima Fondacije; organizovanja znanstvenih skupova, okruglih stolova, edukativnih prezentacija, produkcija knjiga, CD-a i sličnih oblika javnog djelovanja u cilju prezentiranja rezultata i unaprjeđenja rada Fondacije.

Pravni subjektiviteti Fondacije i Društva su različiti, ali zajednička je mogućnost konkurisanja kod nadležnih ministarstava (aktuelni natječaji), te je iskazana i obostrana spremnost za svaku drugu vrstu saradnje. Mrežna stranica-web stranica Fondacije je Openbook, te se automatski nameće pitanje koji sadržaji se mogu umrežiti u Fondaciji i Društvu. Takođe, upućen je i apel da se Društvo uključi u rad Međunarodnog susreta bibliotekara slavista (ICSL-a) u Sarajevu. Blaženka Peradenić-Kotur podržava ideju povezivanja Fondacije i Društva, naglašavajući da postoji čitav niz zajedničkih i dodatnih područja, posebno u oblasti konkurisanja i natječaja. Takođe, konstatovano je da bi bilo poželjno sponzorstvom osigurati sredstva za nekog od stranih predavača.

Iskazana je podrška izdavačkoj ideji i saradnji s gospodinom Draganom Markovićem, predsjednikom Upravnog odbora Fondacije „Kemal Bakaršić“.

Ad 2) Dragan Marković je upoznao prisutne sa kratkim rezimeom dosadašnjih Međunarodnih susreta bibliotekara slavista i njihovih tema, najavivši sedmi susret pod nazivom „Biblioteke i ideologija“, naglasivši pri tome da teme formulišu sami učesnici na kraju susreta. Blaženka Peradenić-Kotur i Edita Bačić su na ovogodišnjem ICSL-u prezentirale zajednički rad vezan za Društvo pravnih i srodnih biblioteka Jugoistočne Europe. S obzirom da prati Sajam knjiga u Sarajevu, ICSL predstavlja izvanredno potencijalno mjesto još jednog susreta članova Društva, kao i sjajnu priliku za češće okupljanje i intenzivniji rad. Evidentno je da je ICSL prerastao imidž usko specijalističkog karaktera. Dragan Marković je naglasio saradnju sa Harvard Law Library, Yale, kao i Congres Library, te najavio moguću podršku pomenutih institucija u realizaciji susreta Društva. U tom smislu potrebno je tematizirati zahtjeve i uputiti iste pomenutim institucijama.

Svi prisutni su jednoglasno podržali prijedlog da Sarajevo i ICSL postanu novo mjesto susreta.

Ad 3. U okviru saradnje sa gospodinom Draganom Markovićem, dogovoreno je da svi članovi Društva pripreme do slijedećeg susreta tekst za Regionalni vodič kroz pravne i srodne knjižnice koji treba da

sadrži osnovne podatke o biblioteci sa jednom fotografijom, maksimalno do 300 riječi, na nacionalnom i engleskom jeziku.

Izabrano je i Uredništvo za izradu vodiča, koje čine Ivana Teronić, Svetlana Mirčov, Edita Bačić, Beba Rašidović i Sanja Golijanin, te je dogovoreno je da se pomenuti tekstovi pripreme do susreta u Beogradu.

Ad 4. Dogovoreno je da Arijana Džanović, sekretar Društva, pripremi prijedloge za logo Društva i distribuirati elektronskom poštom svim članovima.

Ad 5. Edita Bačić je informisala prisutne da će Društvo dobiti svoju web stranicu (domena bi trebala biti biblio-pravo.hr), zahvaljujući saradnji dekana iz Splita i Beograda, prvenstveno dekana Sveučilišta u Splitu koji je iskazao spremnost da pruži finansijsku podršku. Pokretanjem mrežne stranice Društva otvara se mogućnost povezivanja sa Fondacijom, objavljivanja radova, te predstavljanja članova Društva, uz obavezu konstantnog ažuriranja iste.

Ad 6. Blaženka Peradenić-Kotur je pripremila izlaganje na temu Digitalni repozitorij mreže pravnih i srodnih knjižnica: nacrt zajedničkog projekta, naglasivši da je najbitiniji korak u stvaranju digitalnog repozitorija članica Društva usaglašavanje sadržaja koji bi trebali biti zastupljeni (diplomski i postdiplomski radovi, naučni radovi nastavnog osoblja i sl.). Naglašeno je da su strana iskustva na tom polju daleko ispred naših, ali kao pozitivan primjer u razvoju digitalnih repozitorija spomenuto je iskustvo Medicinskog fakulteta (Zagreb).

Stručne i kadrovske pretpostavke za realizaciju projekta postoje, a autorska prava predstavljaju složen segment u tom procesu. Svakako su bitne i tehničke pretpostavke, ali i finansijska podrška. U tom smislu je ključna Agencija za mobilnost i programe EU, u kojoj je osiguran prijem i razgovor o mogućnostima natjecanja po raspisanim natječajima. U tom kontekstu bitan je program Leonardo Da Vinci. Neophodno je pomenuti i Elzevirovu fondaciju koja dodjeljuje sredstva u iznosu od 5-50.000,00€ na godinu, fokusirajući se na zemlje u razvoju.

Nezaobilazne su poteškoće vezane za autorska prava – ukoliko bi se pravio repozitorij međubibliotečke posudbe, pitanje je nakladnika koji dio literature bi mogao biti zastupljen u takvom repozitoriju. Takođe, pomenut je i primjerak obrasca koji nudi Medicinski fakultet, kojim se traži pismena potvrda od autora da njihovo djelo bude dostupno široj znanstvenoj javnosti. Postoji i jednostavnija mogućnost direktnog pregovaranja sa autorima, a dio knjiga bi mogao pod određenim uslovima da bude elektronski dostupan uz zaštitu. U poseban repozitorij bi se mogla deponovati dosadašnja međubibliotečka razmjena. Kao jedna od mogućnosti spomenuta je i Creative Commons license (primjer/praksa Centra za ljudska prava Univerziteta u Sarajevu – autori objavljuju pod otvorenim sadržajima).

Blaženka Peradenić-Kotur je istakla da je neophodno izvršiti pripremu građe za projekat. Prema programu Leonardo Da Vinci, produkt projekta mora biti vidljiv maksimalno za dvije godine.

Ivana Teronić je upoznala prisutne sa projektom Pravnog i Ekonomskog fakulteta u Sarajevu, vezano za digitalizaciju pravne i ekonomske građe na cijeloj teritoriji BiH, te je istakla da je neophodno provjeriti da li će biti moguće podatke prikupljene na taj način distribuirati u repozitorij.

Svetlana Mirčov je podsjetila da skoro svi fakulteti imaju vlastitu izdavačku djelatnost, te da su knjige pripremljene za štampu već u digitalnom obliku.

Radmila Dabanović je predložila da se elektronski časopisi deponuju u digitalni repozitorij, ali je takođe predložila da se napravi analiza i anketa kako bi se precizno definisao sadržaj istog.

Kao mogući sadržaj, spomenute su i doktorske teze, koje se takođe rade u elektronskoj formi,

kao i magistarski radovi, stare knjige, ali i sve ono što predstavlja kulturno dobro (stara periodika i sl.). Naglašeno je da je potrebno djelovati u pravcu širenja pravnih informacija, a planirani digitalni repozitorij bi evidentno doprinio podizanju kvaliteta bibliotečke struke (stručni radovi bibliotekara, zbornik ICSL-a, ... i sl.). Zaključeno je da se projektna dokumentacija za digitalni repozitorij članica mreže pravnih i srodnih knjižnica priprema na temelju sadržaja časopisa koje većina članica izdaje. U sljedećoj fazi digitalni repozitorij mogao bi biti proširen i drugim sadržajima izdavačke djelatnosti članica, kao i nastavnim sadržajima. S obzirom da je repozitorij ocijenjen kao jako značajan, Blaženka Peradenić-Kotur je zadužena za koncipiranje pripremnih radnji neophodnih za realizaciju projekta.

Predloženo je da se formira projektni tim, s obzirom da su pripreme jako zahtjevne i obimne.

Dragutin Nemeć je zadužen za izradu dokumenta o pristupanju projektu.

Ad 7. Potrebno je obnoviti pristupnice sa logom i žiro-računom, a Edita Bačić će se postarati za dalju distribuciju istih svim članovima Društva. Kao što je ranije dogovoreno, pristupnice su za individualna i pravna lica. Do slijedećeg susreta u Beogradu, potrebno je pripremiti potpisane pristupnice i 10€ za individualnu članarinu. Dogovoreno je i ažuriranje mail-ing liste i uključivanje novih članova. Potrebno je pripremiti i pozivno pismo za ućlanjenje institucijama (sa obrazloženjem o do sada ostvarenom benefitu članica Društva – o broju knjiga koji je tim putem dobijen, o ubrzanom protoku i razmjeni informacija, o brzom rješavanju upita i sl.).

Takođe je dogovoreno da ubuduće svi članovi ravnopravno učestvuju u formiranju teme, taćnije da je potrebno imenovati programski odbor, temu i izlaganja.

Skupština je u potpunosti prihvatila i zaključke sa šestog Okruglog stola.

Skupština završena u 13,00 časova.

ZAPISNIĆAR:

1. _____

Sanja Golijanin

OVJEROVITELJ ZAPISNIKA:

2. _____

Blaženka Peradenić-Kotur